

ჩემი გიმნაზია



სტეფანწმინდისა და ხევის ეპარქიის და წმ. ილია მართლის სახელობის
ყოველთვიური გაზეთი №7 ივლისი 2015 წ.

**გაზეთი გაშლის გიმნაზიის ღირებულების სტეფანწმინდისა და ხევის
მთავარეპისკოპოს იმეზღიშელის ღოცვა-კურთხევით.**

**29(12-07) სს. ღიშგულთა და ყოვლადშეშულთა,
თავთა მოციქულთა პეტრესი და პავლესი**



წმიდა მოციქული პეტრე (სვიმეონი) გალილეელი მეთევზის, იონას ძე იყო. მას განკაცებული უფლის გამოჩენა მძამ, ანდრია პირველწოდებულმა ახარა და მანვე მიიყვანა იესოსთან. უფლის რჩეულმა ზებედეს ძეებთან ერთად დაუტკევა ყოველი და მიჰყვა მესიას.

უკანასკნელი პასექის დროს განკაცებულმა ღმერთმა მოწაფეებს ამცნო: „თქვენ ყოველი დაბრკოლებად ხართ ჩემდა მიმართ ამას დამეს, რამეთუ წერილ არს: დაესცე მწყემსნი და განიბნინენ ცხოვარნი სამწყოსაი მისისანი“. პეტრემ განაცხადა:

„აღდათუ ყოველნი დაბრკოლდენ შენდა მიმართ. ხო მე არასადა დაგვრკოლდე“. უფალმა მიუგო: „ამენ გეტყე შენ, რამეთუ მას დამესა, ვიდრე ქათმისა ხმობამდე, სამ-გზის უგარ-ყო მე“.

ოცდაათ ვერცხლად გაყილული უფალი, მართლაც იმავ დამეს შეიპყრეს გეთსემანიის ბაღში და კაიაფას მიჰგარეს. შეკრებილებმა იცნეს პეტრე და ამბობდნენ: „ესეჲსაჲ მის თანა იყო“. ის კი იფიცებოდა: „არა ვიცი კაცი იგი“. როცა შესამეფჯერაც უარყო მაცხოვარი, „მეყსეულად ქათამმა იფიცლა და მოიქცა უფალი და მიხედა პეტრეს“. მოწაფეს მოაგონდა მოძვრის სიტყვები, სინანულმა შეიპყრო, „განვიდა გარეთ და მწარედ სტიროდა“. სინანულის ეს გრძნობა არ დასცხრობია პეტრეს სიკვდილის დღემდე.

ამიერიდან პეტრე ღვთის სიტყვის მსურველ მქადაგებელი და პირმეტყველ ცხოვართა ერთგული მწყემსი შეიქმნა. სულთმოფენობის დღეს მისმა მადლმოსილმა სიტყვებმა სამი ათასი კაცი მოაქცია ტეშმარტ სარწმუნოებაზე.

წმიდა მოციქული მოწამეობრივად აღესრულა რომის სისხლიანი იმპერატორის ნერონის ზეობისას.

პეტრე მოციქულმა დაგვიტოვა ორი ეპისტოლე, რომლებიც ახალი აღთქმის წიგნებშია ჩართული პეტრეს მოწაფის, მარკოზის სახარებად მის მიერ არის მოწინებული და ნაკურთხი.

წმიდა მოციქული პავლე ისრაელიანი იყო. პავლეს ისე სძულდა ქრისტიანები, რომ „ფრიად მკენებელ იყო ეკლესიათა მიმართ. იერუსალიმში აღძრული დევნის გამო ქრისტიანები პალესტინის სხვადასხვა ადგილებში გაიხიზნენ. პავლემ გამოითხოვა ქრისტიანების დატყვევების ნებართვა და დამასკოში გაემგზავრა. დამასკოს მიახლოებულმა პავლემ ზეციდან გარდამოსული ნათელი იხილა და შემინებული „დაეცა ქუეყანასა ზედა და ესმა ხმაი: საულ, საულ, რაისა მდევნი მე? ამის შემდეგ უწინდელი ფარისეველი და ქრისტიანთა სასტიკი მღვანელი მტკიცე აღმსარებელი და უფლის გამოჩენული მოციქული გახდა. ნათლისღების შემდეგ მან არაბეთის მიმართა, სადაც გადმოცემით სამი წლის განმავლობაში თავად მაცხოვარი ეცხადებოდა, სჯულს ასწავლიდა, ქრისტიანობის საქადაგებლად აშხადებდა.

სულიწმინდის ბრძანების თანახმად, პავლე მოციქული მარკოზისა და ბარნაბას თანხლებით წარმართთა შორის ქრისტეს საქადაგებლად გაემგზავრა.

ზავრა. ქრისტეს არც ერთ მოწაფეს არ დაუთმენია იმდენი ვნება, ტანჯვა და წვალება, რამდენიც უფლის ამ რჩეულმა ჭურმა დაითმინა.

უფლის სათნოყოფელი მოციქულები მტარვალეებმა კესარიამში შეიპყრეს, აქედან კი რომში გაგზავნეს, სადაც 67 წელს იმპერატორ ნერონის ბრძანებით თავი მოჰკვეთეს.

პავლე მოციქულმა დაგვიტოვა 14 ეპისტოლე, რომლებიც „ახალი აღთქმის წიგნებში შედის. ერთ-ერთი სახარებისა და „საქმე მოციქულთა“ ავტორი — ლუკაც მისი მოწაფე იყო.

უფლის სათნოყოფელი — პეტრე და პავლე თავიანთი ღვაწლით იმდენად გამოიჩინენ ქრისტეს მოწაფეებს შორის რომ ეკლესიამ თავნი მოციქულნი უწოდა წმიდანებს და ერთ დღეს დააწესა მათი ხსენება.

24(7.07) შობა იოანე ნათლისმცემლისა



როგორც წმიდა სახარება (ლუკა. 1,5-80) მოგვითხრობს, იოანე ნათლისმცემლის მშობლები — მღვდელმთავარი ზაქარია და ელისაბედი „იყვნეს... წინაშე ღმრთისა მართლად“, მაგრამ სიბერის ასაკის ისე მიაღწიეს, რომ შვილი არ მისცემია. ერთხელ, როცა ზაქარია იერუსალიმის ტაძარში ღვთისმსახურებას ადასრულებდა, „ეჩვენა მას ანგელოზი უფლისაი“ და ამცნო: „შეისმინეს ვედრებანი შენი, და ცოლმან შენმან ელისაბედ გიშვეს შენ ძე, და უწოდო მას იოვანე“. შემრწმუნებული ზაქარია დაეკვდა ზეციური მახარობლის სიტყვებში, რისთვისაც დაისაჯა — მეტყველების უნარი წაერთვა.

ახალგაზრდობის ასაკს საკმაოდ გადაცილებული წმიდა ელისაბედი დაფეხმდებდა. ხალხის დაცინვისათვის თავი რომ აერიდებინა, იგი „იფარებდა თავსა თვისსა ხუთ თითუე“, სანამ შორეულმა ნათესავმა, ყოვლადწმიდა ქალწულმა მარიამმა არ მოიკითხა.

როცა „ელისაბედისნი აღივსნეს ჟამნი შობისა მისისანი... ესმა გარემოთა და ნათესავთა... და მის თანა იხარებდეს“. მერვე დღეს ჩვილს, მოსეს სჯულის თანახმად, წინადაცვეთეს და აპირებდნენ, მისთვის ზაქარია დაერქმიათ, მაგრამ ელისაბედმა განაცხადა: „არა, არამედ ეწოდოს მაგას იოანე“. ყველანი გაოცდნენ, — ეს სახელი ზომ მის მოღვაწეში არავის ერქვა და ზაქარიას სიხოვეს, ენიშნებინა მათთვის, რა უნდოდა მისთვის ეწოდებინა. მანაც მოითხოვა ფიცარი და დაწერა და თქვა: „იოვანე არს სახელი მისი და დაუკურდა ესე ყოველთა“. ღვთის განგებით, ზაქარიას ისე დაუბრუნდა მეტყველების უნარი, სულიწმინდის მადლით, წინასწარმეტყველებაც დაიწყო და თქვა: „კურთხეულ არს უფალი ღმერთი ისრაელისაი, რამეთუ მოჰხდნა და ყო ხსნაი ერისა თვისისაი; და აღმიდგინა ჩუენ რქაი ცხოვრებისაი შორის სახლსა მას დაეთითს მონისა თვისისასა“, ჩვილს კი მიმართა: „და შენ, ყრმაო, წინასწარმეტყველ მადლის იწოდო, რამეთუ წარუძღუე შენ წინაშე პირსა უფლისასა განმზადებლად გზათა მასთა“.

გთხოვთ, გაუფრთხილდეთ გაზეთის გასაშვი დაგეგმილი ტექსტის და ფოტოგასაყლის გამო.

13.07. 2015. სპეტიცხოვლობა — კრება
წმ. დიდგულისა ათორამბთა მოციქულთა



13 ივლისს საქართველოს მართლმადიდებელი ეკლესია „წმიდა დიდგულისა ათორამბთა მოციქულთა კრებას“, სვეტიცხოვლობას აღნიშნავს, პეტრე-პავლობის მომდევნო დღეს ეკლესია ქრისტეს თორმეტ მოციქულთან ერთად იხსენიებს.

კრება წმიდა დიდგულისა ათორამბთა მოციქულთა კრეფისიობას — ეკლესიის ერთიანობას ნიშნავს.

მაცხოვრის თორმეტი მოციქულის სახელებია: პირველად სიმონ, რომელსაც ეწოდა პეტრე და ანდრეა — ძმაი მისი, იაკობ ზებედესი და იოანე — ძმაი მისი. ფილიპე და ბართლომე, თომა და მატეოს მეზუერე, იაკობ ალფესი და ლებეოს, რომელსაც ეწოდა თადეოს, სიმონ კანანელი და იუდა ისკარიონელი, რომელმაც გასცა იგი.

კრება წმიდათა დიდგულისა და ყოვლადქებულთა ათორამბთა მოციქულთა უძველესი დღესასწაულია. ეკლესიას ჭეშმარიტების ამ ქადაგობა-გან თითოეული დღეწლის მოსაგონებლად საგანგებო დღე აქვს დაწესებული, მაგრამ პეტრე-პავლობის მომდევნო დღეს ყველა მათგანს ერთად იხსენიებს.

ცნობები ამ დღესასწაულის აღნიშვნის შესახებ IV საუკუნიდან მოგვპოვება.

ტროპარი: მოციქულნი წმიდანო ვეგდრენით მოწყალესა ღმერთსა, რათა ცოდვათა შენდობა მოგვანიჭოს და სულთა ჩუენთა დიდი წყალობა.

27(10, 07) მღვდელმოწამე კირიონ II, სრულიად
საქართველოს კათოლიკოს-პატრიარქი
დაჩაგვული მრისა და მკლესიის ძროგა



საქართველოს მართლმადიდებელი ეკლესიის მწვემსმთავარებს შორის მნიშვნელოვანი ადგილი უკავია კათოლიკოს-პატრიარქ კირიონ II (1855-1918). სარწმუნოებრივი და საზოგადოებრივი მოღვაწეობის გამო 2002 წლის 17 ოქტომბერს საქართველოს მართლმადიდებელმა ეკლესიამ წმიდა მღვდელმოწამის სახელით იგი წმიდანად შერაცხა. მიმდინარე წლის ნოემბრის თვეში წმიდა მღვდელმოწამე კირიონის დაბადების 160 წლისთავი სრულდება.

წმიდა მღვდელმოწამე კირიონ II სარწმუნოებრივი და საზოგადოებრივი მოღვაწეობის ძელი და რთული გზა განვლო.

1886 წელს უფლის რჩეული ბერად აღიკვეცა კირიონის სახელით და ქვათახევის მონასტრის წინამძღვრად დაინიშნა. ამ პერიოდში ღვთისმსახურების პარალელურად კირიონი მეცნიერულ მოღვაწეობასაც აგრძელებს: კრებს ხალხური სიტყვიერების ნიმუშებს, სწავლობს ხალხის ზნე-ჩვეულებებს, მუშაობს ეკლესია-მონასტრების სიძველეებზე თბილისის საეკლესიო მუზეუმსა და ქართველთა შორის წერა-კითხვის გამავრცელებელი საზოგადოების სიძველეთა საცავს იგი უზუფად სწირავს ეკლესია-მონასტრების ნესტიან სენაკებში მიკვლეულ და საოჯახო კოლექციებიდან მოპოვებულ იშვიათ ხელნაწერებს.

კირიონმა, რომელიც მოსკოვის არქეოლოგიური საზოგადოების წევრი იყო, 1898 წელს გამოსცა დაბვის ხეობის ისტორიულ ძეგლთა აღწერილობა. ამას დიდი მნიშვნელობა ჰქონდა, რადგან ბევრი იქ დაწერილი ძეგლი მომდევნო ხანებში განადგურდა.

წმიდა მღვდელმთავარი დაუცხრომელი მკვლევარიც იყო. მას ეკუთვნის წიგნად გამოცემული ოთხმოცზე მეტი მონოგრაფია.

კირიონი დიდი სიხარულით მიესალმა 1917 წლის 12 მარტს საქართველოს ავტოკეფალიის გამოცხადებას. ამ აქტით გახარებულმა ქართველმა მღვდელმთავარმა რუსეთიდან გამოგზავნილ წერილში შემდეგი სიტყვებით მიმართა ქართველ ხალხს: „გილოცავთ ავტოკეფალიას, ხუდები აეხსნა ჩვენს სრულიად ივერის ეკლესიას, რადგან დამონებული იყო ჩვენი ეროვნული სიწმინდე, მდამბოვრად იყო ქცეული ქართველი ხალხი, ტანჯვის ცრემლს ჰღვრიდა. ახლა კი სიხარულის ცრემლს ვაფრქევით. გაუმარჯოს თავისუფალი ქვეყნის თავისუფალ ეკლესიას.“


ავტოკეფალიის გამოცხადების შემდეგ ქართველი საერო და სასულიერო პირთა დიდი ნაწილი მოითხოვდა, რომ რუსეთიდან ჩამოეყვანათ საქართველოს ეკლესიის თავისუფლებისათვის თავდადებული მებრძოლი კირიონ II და აერჩიათ მწვემსთავრად. 1917 წლის ზაფხულში საქართველოში დაბრუნდა, ხოლო იმავე წლის 17 სექტემბერს ხმათა უმრავ-

ლესობით ახლად-ავტოკეფალიადღეგნილი საქართველოს კათოლიკოს-პატრიარქად აირჩიეს.

საქართველოში სარწმუნოებრივი და ეროვნული პრინციპების დამკვიდრებისა და აღორძიებისათვის დაუცხრომლად მებრძოლი წმიდა პატრიარქის მოღვაწეობა ზღუდავდა ეკლესიის და ქვეყნის წინააღმდეგ მებრძოლი ბოროტი ძალების მოქმედებას, 1918 წლის 26 ივნისს წმიდა კირიონ კათალიკოსი მოკლული იპოვეს მარტყოფის მონასტრის საპატრიარქო რეზიდენციაში.

რატომ პატარამთ გულსაჰიდ ჯვარს

გვესაუბრება სამების მამათა მონასტრის წინამძღვარი, ილუმენი ბასილი (მილორავა)



მამაო, რატომ ინება უფალმა ადამის მოღმის გამოხსნა ჯვარზე გაკერით?

მხოლოდ მაცხოვრის უცოდველ სულს შეეძლო ჯოჯოხეთის შემუსრვა და მართალთა სულების ამოყვანა. პირველ საუკუნეში ჯვარზე სიკვდილით დასჯა ერთ-ერთი ყველაზე მკაცრი და საშინელი სასჯელი იყო. სწორედ ეს საშინელი სასჯელი მიუსაჯეს ოუღველეებმა ჩვენთვის განკაცებულ მაცხოვარს. ამით გამოაშკარავდა, რომ ადამიანის უღმერთობასა და ბოროტებას საზღვარი არა აქვს. მაცხოვარმა ჩვენთვის ჯვარცმითა და აღდგომით მოგვცა მაგალითი: სიყვარულის, მორჩილებისა და თავგანწირვისა. და რომ ამას მოსდევს აღდგომა და დაუსრულებელი, მარადიული ნეტარება, ჯვარი, რომელიც იყო სიკვდილისა და საშინელების მომასწავებელი, იქცა გადარჩენის, სიცოცხლისა და იმედის სიმბოლოდ.

რატომ იწოდება ჯვარი ცხოველმყოფელ ძალად?

ცხოველმყოფელი ძელი, იგივე სიცოცხლის მომნიჭებელი ხე ედემის ბაღში აკრძალული ხის ნაყოფის ჭამამ ადამიანს სამოთხედან განდევნა და სიკვდილი არგუნა. მაცხოვარმა ჯვარზე ენებით სამოთხეში დაბრუნება და მარადიული სიცოცხლე მოგვმალდა. როგორც ხისგან იყო სიკვდილი, ხის მიერვე (იგივე ჯვრით) მოგვენიჭა სიცოცხლე.

საიდან მომდინარეობს ქრისტიანული ჩვეულება გულსაკიდი ჯვრის ტარებისა?

მოდევარი აკურთხებს რა ჯვარს, ამოწმებს მის მართლმადიდებლურ კანონიკას. ამის შემდეგ ხდება იგი სახე და ნიშანი ჯვრისა, რომელზეც ეწეო მაცხოვარი და იძენს მის ძალასა და მადლს. ყველა ნაკურთხ ჯვარს აქვს ცხოველმყოფელი ჯვრის ძალა, მაგრამ უძფობისა გულსაკიდი ჯვარი მფლობელის სახელზე იკურთხოს.

ბევრს სწამს, რომ გიშრის ჯვარი განსაკუთრებით გვიცავს და გვიფარავს ავი თვალისაგან.

ეს ცრურწმენაა. ბოროტებისაგან გვიფარავს არა გიშერი, ან სხვა რაიმე ნივთიერება, არამედ გამოსახულება ჯვრისა, როგორც ქრისტეს სიმბოლო.

ჯვარი სხვადასხვა სახის არსებობს: წმინდა ნინოსი, ბოლნური და ა. შ. არსებობს თუ არა მათ შორის განსხვავება მადლის მოქმედებისა და შეწვევის ძალის მიხედვით?

არსებობს სხვადასხვა სახის ჯვრები, მათი განსხვავებული ისტორიებით, მაგრამ მადლის მოქმედებისა და შეწვევის ძალა მათში ერთია, ძალა ქრისტესი.

მუდმივად ვატაროთ თუ არა ნათლობის ჯვარი?

გაფრთხილების მიზნით, შეიძლება ნათლობის ჯვრის შენახვა, ხოლო ნაკურთხი ჯვარი მუდმივად უნდა ვატაროთ.

რატომ ეძლევა ჯვრის ტარების უფლება ადამიანს ნათლისღების შემდეგ?

ნათლისღების შედეგად, ადამიანი განაგდებს ბოროტს და შეუდგება ქრისტეს. გულსაკიდი ჯვრით იგი აღიარებს, რომ არის ქრისტიანი და ახსოვს ქრისტეს ენებები. ასევე მას აუცილებლად სჭირდება ჯვრის მთავრელობა.

მოვიხსნათ თუ არა ჯვარი ამა თუ იმ ცხოვრებისეულ შემთხვევაში, მაგალითად, პანაოის დროს?

ჯვარი არასოდეს არ უნდა მოვიხსნათ.

როგორ მოვიქცეთ ჯვრის დაკარგვის შემთხვევაში?

ჯვარს უნდა გავუფრთხილდეთ. დაკარგვის შემთხვევაში უნდა შევინანოთ და ახალი შევიძინოთ.

როგორ მოვეპყრათ დაზიანებულ ჯვარს?

დაზიანებული ჯვარი ტაძარში უნდა მივიტანოთ და გადავცეთ ეკლესიის მსახურს.

შალისა და ხალიჩების საფეიქრო ხელოვნება ხევაში



შალისა და ხალიჩების საფეიქრო ხელოვნება ხევაში ოდითგანვე დიდი პოპულარობით სარგებლობდა. ჯერ კიდევ 1908 წლის 4 იანვარს გაიხსნა ხალიჩების შემსწავლელი სასწავლებელი. სასწავლებლის დამაარსებელი იყო გიორგი ნიკოლოზის ძე ყაზბეგი (ქართველთა შორის წერა-კითხვის გამავრცელებელი საზოგადოების თავმჯდომარე 1908-1918 წწ.).

ეს იყო პირველი სასწავლებელი აღმოსავლეთ მთიანეთის რაიონებში. სწავლების ვადა 6 თვე იყო, ხოლო გადასახადი 6 მანეთს წარმოადგენდა. ინსპექტორი ტყერის გუბერნიიდან

მოიწვიეს. ამ სასწავლებელს დიდ მნიშვნელობას ანიჭებდა ქართველი საზოგადო მოღვაწე წინამძღვარიშვილი.

მართალია, ამ დროს დაიწყო მასიური სწავლება ხალიჩების ქსოვისა, მაგრამ ხევაში დიდი ხნის წინ მისდევდნენ ამ ხელოვნებას, განსაკუთრებით თექვის წარმოებას.

ხალიჩების ქსოვის შესწავლა ხევაში ხელახლა განახლდა 1970-იანი წლებიდან და, უნდა ითქვას, რომ მართლაც დახვეწილი ხალიჩები გამოდიოდა მოხვეე ქალბატონების ხელიდან. რამდენიმე წელში კი ისევ დაიწყებას მიეცა ეს ხელოვნება.

რაოდენ სასიამოვნო იყო ჩემი აღმოჩენა, როცა გავიგე, რომ სტეფან-წმინდაში მცხოვრები ნუნუ მარსაგაიშვილი (ქირიკაშვილი) თურმე ისევ ქსოვს ძველებრივ მოხუერი ორნამენტებით შემკულ ხალიჩებს. ვნახეთ მისი ნამუშევრები. თურმე გასაყიდად ვერ იმეტებს თავის ნახელავს, უფრო ჩუქება უყვარს.

საუბარში ქალბატონმა ნუნუ გვითხრა, რომ ამ ხელოვნებამ ბავშვობიდან გაიტაცა. თურმე მისი ბებიის ქსოვდა ხალიჩებს, ამზადებდა თექვას, რომლისგანაც შემდეგ მეცხვარულ ნაბდებს კერავდა. ასევე სპეციალურად მოზედილი ცხვრის ტყევისგან კერავდა ქურქებს (ტულუფებს). ორივე, ნაბადიც და ტულუფიც აუცილებელ ატრიბუტს წარმოადგენს მეცხვარისათვის სიცოცხისა და წვიმის დროს.

ბუნებით ხელოვანი გამოუყვანელი მაკულატურისაგან ამზადებს შვენიერ ვაზებს. არის ქორეოგრაფი და ბატონ გოგი ვალიშვილიან ერთად დიდი წვლილი მიუძღვის მოხუერი ანსამბლის განვითარებაში. იყო კულტურის სახლის დირექტორი. შესანიშნავად აღზარდა სამი ვაჟიშვილი. მისი ერთ-ერთი შვილი დათო ქირიკაშვილი ცნობილი რაგბისტია. თამაშობდა საფრანგეთის გუნდში.

მართლა მესიამოვნა ამ ქალბატონის გაცნობა. მივხვდი, რამდენი ამისთანა ქალბატონია ხევაში, რომელთა გაცნობა მართლაც მისაბაძი მაგალითი იქნება ახალგაზრდა თაობისათვის.



ციკო ფიცხელაური
გიმნაზიის X კლასის მოსწავლე

ჩემი ოცნება

არასდროს მიფიქრია, რომ უნდა ვიოცნებო, რადგან ღმერთის წყალობით, ყველაფერი მაქვს: ჯანმრთელობა, სიტბო და ადამიანების სიყვარული...

როდესაც დაფიქრდი რა მაქვს საოცნებო, აღმოვაჩინე, რომ თურმე მეც მქონია ოცნება.

ჩვენს ქვეყანაში ძალიან ბევრ ადამიანს უჭირს, იმდენად, რომ მშობელს საკუთარი შვილის მკურნალობის საშუალება არა აქვს. სოციალურ ქსელებში ძალიან ხშირად ვხვდები ავადმყოფი ბავშვების სურათებს, რომლებიც ითხოვენ ჩვენს დახმარებას, აქედან გამომდინარე, ჩემი ოცნებაა ისეთ საქართველოში ვცხოვრობდე, სადაც გაჭირვება არ იქნება და ყველანი ბედნიერები იქნებიან!

დაჩი კახალიკაშვილი
V კლასი



მოზარდთა ჭიგნიერების პრობლემა

უძველესი დროიდან ადამიანის ცხოვრებაში წიგნს უდიდესი მნიშვნელობა ჰქონდა. მე მინდა, რომ წიგნის ისტორიის შესახებ ბევრი ვიცოდე, თქვენც მოგიყვებით პატარა ისტორიას წიგნის შესახებ.

დამწერლობის გამოგონების პირველ ხანებში ადამიანები საწერად ნებისმიერ გამოსადეგ მასალას იყენებდნენ. თანდათანობით დაგროვილი ინფორმაციის გადმოსაცემად საჭირო გახდა ისეთი მასალის მოძებნა, რომელზეც გრძელი ტექსტის ჩაწერა გახდებოდა შესაძლებელი. ამგვარად გაჩნდა პირველი წიგნი, ეს იყო გრაგნილდახვეული ფურცელი. ძველი ეგვიპტელები ფურცლებს პაპირუსის ლერწმის ტოტებისაგან ამზადებდნენ.

XI საუკუნეში ევროპაში შემოდის ქაღალდი.

XV საუკუნეში იოჰან გუტენბერგმა გამოიგონა დაზგა, რის შემდეგაც დაიწყო წიგნების ბეჭდვა, და ყველა გონიერი ადამიანი საუკუნეების განმავლობაში ცოდნას წიგნის საშუალებით იძენდა.

ახლა კი სამწუხაროდ მდგომარეობა შეიცვალა. ახალგაზრდების მეტ ნაწილს აღარ აინტერესებს წიგნი. მიუღიწვია ყურადღება კომპიუტერსა და სხვა თანამედროვე ტექნიკაზე აქვთ გადატანილი. უნდა ვაღიარო, რომ მეც კომპიუტერთან მიმართებაში თავს ვერ ვაკონტროლებ. კომპიუტერის დანიშნულება ხომ ისაა, რომ მან ადამიანის ბრძანებით ინფორმაცია სწრაფად გადაამუშაოს.

ეს, რა კარგია წიგნი, როგორ დაეინტერესდეთ მოზარდები, ვინ მისასუხებს ამ კითხვას?

მე არ მსიამოვნებს, რომ დღევანდელი თაობა ირჩევს კომპიუტერს, წიგნმა არ უნდა დაკარგოს თავისი მნიშვნელობა. კომპიუტერზე თამაშით ვერაფერს მივაღწევთ, ტყუილად დროს ვკარგავთ. წიგნის კითხვით კი, დამიჯერეთ, მართლაც მომავლის თაობა გაეზრდება.


ჩვენს გიმნაზიაში ყველა პირობაა შექმნილი იმისათვის, რომ მე და ჩემი ამხანაგები წიგნიერები ვიყოთ. შესანიშნავი სამკითხველო დარბაზი და თანამედროვე სამკითხველო მაგიდები თითქმის გიზიდავს, რომ აქ დაჯდე და წიგნი წაიკითხო. ჩვენზე მზრუნველი ჩვენი ბიბლიოთეკარი მარეხ გუჯარაიძე ყველანაირად ცდილობს დაგვეხმაროს მოსწავლეებს ასაკის მიხედვით წიგნების შერჩევაში. მეუფე ივგუდიელის ძალისხმევით ბიბლიოთეკის ფონდი განუწყვეტლივ იზრდება და ჩვენს ბიბლიოთეკაში უკვე 1500-ზე მეტი წიგნია.

ჩემს გიმნაზიელებს ბოდიში მინდა მოუხადო, ჭკუის სწავლებასათვის გამომდის, მაგრამ მე ჩემს მოვალეობას ვასრულებ, სიკეთე მინდა თქვეთვის, მინდა, რომ ჩემს სამშობლოს ჭკვიანი, განათლებული ახალგაზრდობა ყავდეს და საქართველომ იამაყოს ჩვენით.

მარიამ წიკლაური
გიმნაზიის VIII კლასის მოსწავლე

ჩემი მოგზავალი

მინდა გავხდე ექიმი, ოღონდ ეს მარტო იმიტომ კი არ მინდა, რომ ექიმი მერქვას, რადგან ეს პრესტიჟული პროფესიაა, არა, მე მინდა ვიყო მართლა კარგი ექიმი, რომელიც ავადმყოფს მარტო საქმითა და წამლით კი არ უშველის, არამედ სიტყვითაც მოარჩენს. რამდენი ექიმი, რომელიც ავადმყოფს ისე უყურებს, როგორც გამორჩენის საშუალებას. თუ კარგად გადაუხდის, მხოლოდ მაშინ მოეკიდება ყურადღებით, თუ არა და, გულგრილად. ბედის ამარა ტოვებს. სიცოცხლის უფლება ყველასა აქვს, მდიდარსაც და ღარიბსაც. ექიმმა უნდა იფიქროს, რომ მდიდარი ყველა საშუალებას იხმარს თავის გადასარჩენად, მას შეუძლია საზღვარგარეთაც წავიდეს და იქ იმკურნალოს. აი ღარიბს კი ჩვენ, ქართველებმავე უნდა ვუშველოთ. ისედაც საქართველოში შობადობის მაჩვენებელი ძალიან დაბალია და თუ ადამიანები ავადმყოფობით უდროოდ დაიღუპებიან, უფრო დავცოტავდებით და მე ეს არ მინდა. საქართველო ძლიერ უნდა იყოს, ეს კი მოხდება მაშინ, როცა ქართველები გაუმრავლდებით. საგულისხმო რამე წავიკითხე ცოტა ხნის წინ, ფასანაურის მახლობლად აიოვეს საფლავის ქვა წარწერით: „დღეაჩემმა 18 შვილი დაგვტოვა, მე თქვენს შვილს ეტოვებ, შენ? — დედა ასინეთა... აი, ასეთმა დედებმა გადაარჩინეს საქართველო.“



მარიამ ბაკურაძე
VIII კლასი

რა პროფესია ავირჩიოთ?



პროფესიის არჩევა ძალიან ძნელია, რადგან მასზეა დამოკიდებული ადამიანის მომავალი, ამიტომ საჭიროა კარგად დავფიქრდეთ, გვინდა თუ არა ეს პროფესია. გავითვალისწინოთ: საინტერესოა თუ არა ეს ჩვენთვის, გვანიჭებს თუ არა სიამოვნებას, როდესაც ამ საქმეს ვაკეთებთ. რაში გვჭირდება პროფესია, რომელიც არ მოგწონს და არ გსიამოვნებს ამის კეთება?

უნდა დავფიქრდეთ, შევძლებთ თუ არა ამ საქმეს, შეიძლება იყო სუსტი და ამ პროფესიის არჩევით ჯანმრთელობას შეუქმნა პრობლემა. ასევე ყურადღება უნდა მივაქციოთ, პერსპექტიულია თუ არა ის. პროფე-

სია მხოლოდ პრესტიჟის და ფულის გულისთვის არ უნდა ავირჩიოთ, არამედ იმისთვის, გვაქვს თუ არა სურვილი ვაკეთოთ ეს საქმე მთელი ცხოვრება.

ამ ვეელაფერზე უნდა დავფიქრდეთ და ისე მივიღოთ გადაწყვეტილება, რომელიც მთელ ცხოვრებას შეცვლის.

მარიამ ბედოშვილი

IX კლასი

ჩრდილო აპაკასიანი მიმოხეშული ქართული კმბლები

(ტყობა – მრდი, ალბი – მრდი)

ეროვნული მატერიალური და სულიერი კულტურის ძეგლები წარსულის ძახილად მოღწეულან ჩვენამდე. ეროვნული ნიადაგის სიღრმისეულ შრეებში განფენილი კულტურის ფესვები დღესაც იძლევა საზრდოს ახალი ტოტების ამოსახიდად. ჩვენამდე მოღწეული ყოველი ძეგლი კარგ მაგალითს წარმოადგენს იმისას, თუ როგორი დამოკიდებულება უნდა წარმართავდეს გარემოსა და ადამიანის ურთიერთობას. შემოქმედებით პროცესში, თუ როგორი შინაგანი წონასწორობა უნდა იყოს შენარჩუნებული შემოქმედებითი იდეის წარმოშობიდან მის რეალურ გადაწყვეტამდე.

შინაგანი უხილავი ძაფებით ხომ დღესაც ვართ დაკავშირებული იმ უცნობ ხელოვანთა მაღალ სულიერ სამყაროსთან, რომელთა ნიჭი და უნარი ქვათა პარმონიად ქცეულა ციხე-ტაძრების სახით. წინაპართა ნამოღვაწევი არ გიმონებს ძალდატანებით, მათი ნიჭის ძლევა მოსილება არაა მიმართული ბუნების დასათრგუნავად, პირიქით: იმ უცნობ ხელოვანთა ნამუშავე კეთილსინდისი თუ ხატწერაში ჩანს უნარი ბუნებასთან ადამიანის შემოქმედების შერწყმისა, მათი ხილვით გამოწვეული აღმაფრენისა — როდესაც ყოველი ძეგლი ემსახურება ლანდშაფტის დინამიკას, გარემო-ბუნების კიდევ უფრო ამაღლებას და გასრულებას.

სწორედ ასეთი განცდები დაგვეუფლა ასსა და არმხის ხეობის ქართული წარმომავლობის ქრისტიანული ძეგლების ხილვისას, სადაც სამეცნიერო ექსპედიცია მოეწყო 1989 წლის აგვისტოს თვეში.

ქართველ და ვეინახ ხალხებს შორის პოლიტიკური, კულტურული თუ ეკონომიკური ხასიათის ურთიერთობანი საკმაოდ ადრეიდან იწყება და მას ხანგრძლივი ისტორია გააჩნია. განსაკუთრებული, მჭიდრო კავშირი ჩანს VIII-XII სს-ში, როდესაც საქართველოს საერო და საეკლესიო ხელისუფალნი ძალზე დიდ მნიშვნელობას ანიჭებდნენ კავკასიონზე მცხოვრებ მთიელთა ქრისტიანობას. ასეთი მიმართულება ნაკარნახევი იყო იმ გარემოებით, რომ ამ დროს მხოლოდ ეს მხარე რჩებოდა მისიონერთა სამოქმედო ასპარეზად.

სწორედ ამ პერიოდშია არჩეული ვეინახების პოლიტიკური დაქვემდებარების ერთ-ერთი ძირითად ფორმად ქრისტიანობის პროცესი, რაზეც თარგიმის ქვაბულში აგებული ქრისტიანული ძეგლები მოწმობენ.

თარგიმის ქვაბული ინგუშეთის ცენტრალურ ნაწილშია მოქცეული. იგი საიმედოდაა დაცული ცენტრალური კავკასიონისა და კლდოვანი ქედებითა თუ მათი განშტოებებით. ქვაბული ძველთაგანვე ყოფილა ადამიანის მიერ ათვისებული და ქისტეთის მთიანეთის ვეელაზე დიდი დასახლებული პუნქტები აქ იყო ლოკალიზებული. აქვეა ქართული ქრისტიანული ძეგლებიც ტყობა-ერდი, ალბი-ერდი...

ტყობა-ერდი თარგიმის ქვაბულის ცენტრალურ ნაწილში მდებარეობს, ნასოფლარ ზაირახიდან 300 მეტრის დაშორებით. ძეგლის მთელი ტერიტორია გალავნის კედლებით ყოფილა შემოზღუდული, რომლის

სამხრეთი ნაწილი უკავია სამნავიან ბაზილიკას მინაშენებით (ეკლერე, დამხმარე ნაგებობანი).

თარგიმისავე ქვაბულში, მდ. ასას მარცხენა ნაპირას მცირე ზომის ტაფობში მდებარეობს შედარებით ნაკლებად შესწავლილი ეკლესია ალბი-ერდი, რომლისაგანაც ჩვენამდე მხოლოდ დაზიანებულ კედლებს მოუღწევია.

ეს ძეგლები აშკარად მოწმობენ ქართულ-ვეინახურ კულტურულ-ისტორიულ ურთიერთობაზე და მთიელთა ქრისტიანობის პროცესზე, რომელიც მთლად უმტკივნეულოდ არ მიმდინარეობდა, საქართველოს პოლიტიკურ მესვეურთა კრედი ნათლადაა გადმოცემული ტყობა-ერდის დასავლეთის ფასადის რელიეფზე, სადაც ქრისტესაგან მარცხნივ ექსპრესიულად გამოხატულ ფიგურას ცალ ხელში ჯვარი უჭირავს, მეორეში მახვილი; რელიეფი შეიძლება ითქვას, საპროგრამო გამოსახულებად, რომელიც ზედმიწევნით ზუსტად ასახავს არსებულ პოლიტიკურ ვითარებას, როდესაც ცენტრალური ხელისუფლება მთიელთა საკუთარი პოლიტიკის ორბიტაში მიზიდვის მიზნით იყენებს ქრისტიანობას. ცხადია, ძალდატანება ამ საქმეში რწმენის დანერგვის ფეხდაფეხ მოაბიჯებდა, თუმცა ამის მიუხედავად, როგორც იდეოლოგიური რიგის ფაქტორმა ქრისტიანობამ, როგორც ვეელგან ვეინახებზეც გარკვეული გავლენა იქონია.

ციცინო ღუდუშაური

გიმნაზიის პედაგოგი

უმართლები ხმის კლიერ სიფინდეს

ვეურთდები სიამაყით მზის სხივებს, ხელშეუხებს გაეხდი ლექსის მოტყუებს, სადაც მოვხვედ ვეელგან ვიტყვი იგივეს, ხევის ნახვა მზის წინ უნდა მოვინდეს.

ვეურთდები ცის თვალისმჭრელ სიღურჯეს, მთის წვერიდან ზეცა მიღებს კარიბჭეს, მე იქიდან ვეტრფი ღვთიურ საუჯეს, აქ გაოცებს „ხელოვნების“ სიუხვე.

ვეურთდები ხევის ძლიერ სიწმინდეს, რწმენა არის აქ ნამდვილი სიმდიდრე, სხვა ქვეყნიდან ვინც არ უნდა მოვიდეს, ამ თბილ მიწას უცებ შეითავისებს.

ერთხელ ნახავ — ძილშიც ვერ დაივიწყებ, „უკითხავად“ გულში ადგილს იმკვიდრებს. თუ აქ გაჩნდი უკვე ნიშნავს ბევრ რამეს, ქართლს ჭირდები საიდუმლო მეკარედ.

მოხვევ ხარ? — ერი გელის გმირულ სვლებს, ღმერთი გიცავს, არ დაგტოვებს „ერთადერთს“, გაგიჭირდა? — კალთას გადაგაფარებს, გაგამხნევებს — მთებთან გალაპარაკებს.

თამარ ქუჭიშვილი

ვოტოპონაპრისისათვის



რედაქტორი ბანონი გომიკაშვილი	სარედაქციო კოლეგია: არამიანდრეიტი ნიკოლოზ ღლონტი, ციციონი ღუდუშაური, ნინო თურქიაშვილი, ნატო ჟიკლაური, უჩა ხუციშვილი.	მის. სტუდენტობის ფ. ილია მარტოშის სახ. გიმნაზია- ბანონიონი
---------------------------------	--	--